

## رۆل و كارىدەستىيىن سەرۆك عەشیرەتەين بەھدىنان

### د كارگىريين عوسمانى دا

۱۸۴۲ \_ ۱۹۱۴

ھېرش كەمال ياسين

پشكا ميژوو- زانكۆيا دھۆك- ھەريما كوردستانى/ عىراق

#### پوختە:

ل دووماھيىن نىفا ئىككى ژ سەدى (۱۹ز) كو پترانيا ميرگەھين كوردى ژلايىن دولەتا عوسمانى قە ھاتنە ژناقېرن، پىشتى نەمانا دەستھەلاتداريا ميرگەھان، كاروباريين كارگىريين دەقەرئىن كوردى ئىكسەر كەقتنە ل ژيىر دابەشكرنين كارگىريين عوسمانى و ژ وان ژى دەقەرا بەھدىنان، دولەتە بۇ بريئەبرنا دام و دەزگەھين يەكەيىن كارگىريى، پىشتەستەن ل سەر مەزن و سەرۆك عەشیرەتەين دەقەرئى كرىيە و بۇ مەرەما ناقېرى ھاتىنە راسپاردن، ئانكو دەستھەلاتداريا دەقەرئى ژ ميران بۇ مەزنىن عەشیرەتان ھاتە قەگواھاستن، ئەف قەكۆلىنە يا تەرخانكرىيە بۇ رۆل و وان كارىدەستىيىن سەرۆك عەشیرەتەين بەھدىنان ئەويىن د يەكەيىن كارگىريين عوسمانى دا وەرگرتين و ھاتىنە دامەزراندن، ماوھيى قەكۆلىنە ژى دناقېرا سالىن (۱۸۴۲\_۱۹۱۴ ز) بخۆقە دگريت، د قەكۆلىنە دا پىشتەستەن ل سەر بەلگەنامەيىن عوسمانى و ژيىدەرئىن رەسەن ھاتىيە كرن ، قەكۆلىن دوو ژ تەموران پىكدەھيت و ئەو ژى ئەقەنە:

تەومەرئى ئىككى: بەھدىنان د رىكخستين كارگىريين عوسمانى دا.

تەومەرئى دوويى: ژ سەرۆك عەشیرەتەين بەھدىنان د كارگىريين عوسمانى دا.

پەيقيىن سەرەكى: بەھدىنان، عوسمانى، سەرۆك عەشیرەت، بەلگەنامە.

#### دەستپىلك:

دناق دىرۆكا ميرگەھين كوردى دا و ژ وان ژى ميرگەھا بەھدىنان، ل سەدى

۱۹ز سەردەمەكى نوي يىن حوكمداريين ل جەئى ميرگەھان گرت، ئانكو ل دەمى

كهفتنا ميرگههين كوردى ژ شوونا دهستههلاتداريا مير و ميرزادهيان، سيستههمن  
حوكمداريا سهروك عهشيرهتان (ئاغا، بهگ) جهن خو گرت، و ئيدى ل شوونا سهرايا  
ميران، كوچكا سهروك عهشيرهتان بوو جهن بريارن، زيدهبارى كاربههستيا وان دناف  
كارگيرين عوسمانى دا، كو ژبلى بريفهبرنا كاروبارين كومهلایهتى، كاروبارين  
فهرمى يين حكومى ژى كهفته دهستين وان دا.

ئهگهري ههلبزارتنا في مزارى ژى ئهوه، كو پشتى كهفتنا ميرگههين كوردى،  
ئيدى دهقهرين كوردى ب شپوهيهك مهركهزى ب دهستههلاتا عوسمانى قه هاتنه  
گريدان و ريكخستين كارگيريا عوسمانى ل دهقهرى هاتنه پهيرو كن.

دهرباره ئهوه سهردهم و قوناغا دپروكى يا ئهف قهكولينه بو هاتيه تهرخانكرن،  
ماوهيى دناقههرا ساليى ۱۸۴۲\_ ۱۹۱۴ بخوفه دگريت كو يا ئيكى گريداى دهستپيكا  
كهفتن و ههرفتنا ميرگهها بههدينانه، و ميژوويا دووى ژى گريداى نه مانا دهستههلاتا  
عوسمانى يه ل عيراق و كوردستان.

ئهف قهكولينه كورتيهكا دپروكى يا كارگيريا بههدينان دناقههرا ۱۸۴۲\_  
۱۹۱۴ بخوفه دگريت، پاشى ژ دوو تهوهران پيكدهيى، د تهوهري ئيكى دا بهسكرونا وان  
ميرين ميرگهها بههدينانه يين گرنگى ب دهقين كوردى داى يان ئهوه بخو ژى خودان  
بهرهه مين ئهدهبى و دهستق ههلبهستهههاندنق هه، و د تهوهري دووى دا ژى يهكهيى  
كارگيري (قهزا، جقاتين كارگيريا قهزايى، ناحيه، باژيرفانى) هاتينه بهحس كرن و  
ئامازه ب ئهوان سهروك عهشيرهتين دهقهره بههدينان هاتيه دان ئهوين ل فان ريكخستين  
كارگيري هاتينه دامهزاندن.

ههزى ئامازهدانق يه كو د قى قهكولينق دا مفا ژ هزمارهكا بهلگهنامه يين  
عوسمانى يين رهسهن هاتيه وهرگرتن، زيدهبارى سالنامه يين عوسمانى نه خاسمه يين  
ويلايهتين بهغدا و مووسل يين دناقههرا ساليى ۱۸۷۵\_ ۱۹۱۲ دا.

ههروهه سا ل دووماهيى ژى دياركرنا چهند نمونهيان ژ وان بهلگهنامه يين  
عوسمانى يين گريداى بابتهق سهروك عهشيرهتين بههدينان ئهوين دناقههروكا قهكولينق  
دا هاتينه بهحسكرن و وهك پاشكو هاتينه دانان.

## تەمەری ئۆگەن: بەھدینان د ریڭخستین کارگپریپن عوسمانی دا

ل ساللا ۱۸۴۲ پشتی کەفتنا میرگەھا بەھدینان زلایین عوسمانیان فە، رموشا کارگپری ل دەقەرین بەھدینان کەفتە د قوناغەکا نوی یا ریڭقەبرنی دا، ئەو زی ب شیوہیەکی ئیکسەر ب ویلایەتین عوسمانی فە هاتە گریدان، کو د قوناغین دناقبەرا سالیین ۱۸۴۲ \_ ۱۹۱۸ دا چەندین گوهورین و فەگۆھاسستن دناف ریڭخستین کارگپری یین عوسمانی دا بخوقە دیتینە.

ل ۲۲ کانوونا دووی ۱۸۷۱ ل سەردەمی والی قەغدا مەدحەت پاشای (۱۸۶۹\_۱۸۷۲) دەمی سیستەمی ریڭخستین کارگپری یین لیوا و قەزا و ناحیان ل عیراقتی دەرکەفتی و هەتا دووماھیا سەردەمی عوسمانی ل عیراقتی ۱۹۱۸ بەردەوام بووی، لیوا زلایین (موتەصرف)ی و قەزا زلایین (قایمقام)ی و ناحیە زی زلایین (مدیری) فە دەھاتە بریقەبرن، (گولی \_ الجوادی، ۲۰۱۹: ۱۳۷)، دەقەرین بەھدینان زی ل سەر قان یەکەیین کارگپری هاتنە دابەشکرن.

ل ساللا ۱۸۴۸ نامیدی و ئاکری سەر ب سەنجەقا هەکاری بوویە کو ل وی دەمی گریدای ویلایەتا (وان و هەکاری) بوو، زاخۆ زی سەنجەقا سەر ب ویلایەتا مووسل فە بوو، (گولی \_ الجوادی، ۲۰۱۹: ۱۳۹).

ل ساللا ۱۸۵۲ ب فەرمی ببوو قەزا و ئیکەم قایمقام وئ (حاجی عەبدووللاھ بەگ)، بوو کو ل وی دەمی سەر ب سەنجەقا مووسل و ویلایەتا کوردستان بوو، (AMKT. NZD. 57. 2)، و ل ساللا ۱۸۵۴ نامیدی و ئاکری سەر ب ویلایەتا مووسل فە و نامیدی و زاخۆ هەتا ۱۸۵۵ گریدای ویلایەتا هەکاری بوو.

دناقبەرا سالیین ۱۸۵۶\_۱۸۶۶ نامیدی و ئاکری سەر ب سەنجەقا مووسل و گریدای ویلایەتا وان بوو، بەئێ زاخۆ سەر ب سەنجەقا ماردین یا گریدای ویلایەتا کوردستان بوو.

دناقبەرا سالیین ۱۸۶۷ \_ ۱۸۷۹ دەقەرا بەھدینان قەزایین (نامیدی، داوودیی، ئاکری، زاخۆ، زیبار) سەر ب سەنجەقا مووسل و گریدای ویلایەتا بەغدا بوون، (بغداد ولایت سالنامەسی، ۱۲۹۲ھ / ۱۸۷۵م، ص ۸۳\_۸۷؛ اوغلی، ۲۰۰۰، ص ۵۲۰ \_ ۵۲۱)

ل ساللا ۱۸۸۰ دەقەرا بەھدینان سەر ب ویلایەتا مووسل و ل ساللا ۱۸۸۴ نامیدی سەر ب ویلایەتا هەکاری و قەزایین دیتەر گریدای ویلایەتا مووسل بوون، (سالنامە دولت علیە عثمانیە، ۱۲۹۸ھ/ ۱۸۸۰م، ص ۱۵۴\_۱۵۶).

ل ساللا ۱۸۸۷ ژبلی ئامیدیی کو سهر ب ویلایهتا ههکاری بوو، ههمی قهزایین دیتر یین بههدینان گریډای ویلایهتا مووسل بوون، (سالنامه دولت علیه عثمانیه، ۱۳۰۵هـ / ۱۸۸۷م، ص ۵۳).

ل ساللا ۱۸۹۱ ژبلی ئامیدیی کو سهر ب ویلایهتا وان بوو، ههمی قهزایین دیتر یین بههدینان گریډای ویلایهتا مووسل بوون، (1. 83. 1834. DH.MKT).

دناقههرا سالیین ۱۸۹۲ \_ ۱۸۹۴ قهزایین بههدینان سهر ب ویلایهتا مووسل بوون، (موصل ولایتی سالنامهسی، ۱۳۱۰هـ / ۱۹۲م، ص ۱۵۶ ؛ موصل ولایتی سالنامهسی، ۱۳۱۲هـ / ۱۸۹۴م، ص ۱۴۶).

ل ساللا ۱۸۹۶ ئامیدیی سهر ب سهنجهقا ههکاری (ویلایهتا وان) و ئاکری و زیبار و دهۆک و زاخۆ گریډای ویلایهتا مووسل بوون، دناقههرا سالیین ۱۸۹۸ \_ ۱۹۱۸ دا ههمی قهزایین دهقهرا بههدینان سهر ب ویلایهتا مووسل فه بوون، (پیکانی، ۲۰۱۹، ل ۷۳۵).

### تهوهری دووی: ژ سهروۆك عهشیرهتین بههدینان د کارگریډین عوسمانی دا

پشتی كهفتنا میرگههین كوردی، دهمن بههدینان زی كهفتی یه ل ژیر دهستههلاداریا ناقهندی یا عوسمانی، وهکی ههمی دهقههین دیتر كهفته دناق ریكخستین کارگریډین عوسمانی دا، د دابهشكرنن یهكهین کارگری (قهزا، ناحیه) دا و فهرمانبهیریډ سهر ب وان فه، بههرا پتیریا وان ژلایین مهزن و سهروۆك عهشیرهتان فه هاتنه ریقههبرن، كو ژلایین دهستههلاداریا عوسمانی فه دهاتنه ههلبزارتن و دامهزراندن.

### قهزا

قهزا یهكهیهكا کارگریه كو سهر ب ویلایهتن قهیه، و قایمقام مهزنترین فهرمانبهیری کارگریا قهزای یه، و موتهصهرفن لیوایین سهروۆك وی یئ ئیکسههه، قایمقام ژ لایین حكومهتا ناقهندی فه دهیته دامهزراندن ، بهرپرسیاره ژ ههمی کاروباریډ مهدهنی و ئیمناهیډ و دارایی و دام ودهزگههین دادگههی یین گریډای قهزای قه، سهروۆكایا جقاتا قهزای دكهت و ژ ئهركین وی یه كو مدیرین ناحیان ههلبژیډیت و پشکینا فهرمانگههین ناحیډ سهر ب قهزای قه، (الدوسکی، ۲۰۰۷، ۲۰۰).

## ۱\_ قايىمقام

قايىمقام كو خودان بلندين دهندهك قوناغان دا سهرؤك عهشيرهتا زى ئەف كاربدهستى يه وەرگرتى يه بۇ نموونه:

### حسین ئاغا:

ل ۱۸۵۴ دەمى قايىمقامى زاخۇ حوسنى بەگ هاتيه لادان، ل شوياتا ۱۸۵۴ (حسین ئاغا) دبيتە قايىمقامى قهزا زاخۇ، ههروهك د بهئگه نامه يه كا عوسمانى دا هاتى ئەوا ميژوويا وى قهدهگهرىت بۇ ۱۴ جه ماديلئه ووهل ۱۲۷۰ مش (۱۱ شوياتا ۱۸۵۴ز) كو حسين ئاغا وهك قايىمقامى قهزا زاخۇ هاتيه دامه زراندين، (A.DVN.95.36.1)، نه هاتيه زانين كو ناقبرى يى كيشك عهشيرهتا دهقهر زاخۇيه، حسين ئاغا يى بهردهوام بوويه ههتا كو ل كانوونا ئيكي يا هه مان سال (۱۸۵۴) مري، (گولي \_ الجوادى: ۲۰۱۹، ل ۱۴۱).

### شه مدين (شه مسه ددين) ئاغا سليقانى:

ئيك ژ كه سايه تيين نافدارين دهقهر زاخۇ يى عهشيرهتا سليقانى بوو، دەمى قايىمقامى زاخۇ (حسین ئاغا) ل هه يقا (ره ببعلئه هول ۱۲۷۱ مش / كانوونا ئيكي ۱۸۵۴ز) مري، ل پشتى ويل ۳ كانوونا دووي ۱۸۵۵ز (شه مدين ئاغا) وهك قائىمقامه كي نوى (ب وهكالهت) و ب پلا (مدير: كو ناسته كي ژ قائىمقامى نزمتره) ل زاخۇ هاته دامه زراندين، (A.MKT.MVL. 70.36.1) ؛ (I.MVL. 161.43.2).

### مستهفا ئاغا

ئيك ژمه زنين عهشيرهتا زيبارى يين سه دى نوزدى يه، ناقى وى (مستهفا ئاغا كورپى ته ته رخان ئاغا كورپى محهممه د ئاغا كورپى ئومهر ئاغا كورپى ئوغز كورپى يووسف بهگ) ه، (پيكانى، ۲۰۱۹، ل ۳۰۸)، ناقبرى ل سالا ۱۸۵۴ قايىمقامى قهزا زيبار بوو، (I.MVL.353.14).

## ۲\_ جقاتا كارگيريا قهزايى

جقاتا قهزايى ژ جقاتين بهرده واهه و قايىمقام سه رؤكاتيا وى دكهت و ژ قازى و موفتى و كاتب و مديرى دارايى پيكدهيته، ژ ئهركين جقاتى ئەوه هوورينكرنا داهاتو مه زاختن قهزايى يه ئەوين ژ مالى دهولهتى بۇ پروژهيان هاتيه مه زاختن، (الدوسكى، ۲۰۰۷، ص ۲۰۱)، د قى كارگيرىي دا زى سهرؤك عهشيرهتان كاربدهستى وەرگرتينه بۇ نموونه:

**حاج یووسف پاشا شەمەدین ئاغا:**

ناھۆی وی (حاج یووسف پاشا کورۆی شەمەدین ئاغا) بوو، ئیک ژ مەزنی عەشیرەتا سلیقانی یە، هەرۆک د سالنامەیا ویلایەتا مووسل یا سالا (۱۳۱۲م/ش/ ۱۸۹۴ز) دا هاتی کو (حاج یووسف شەمسەددین ئاغا) ئەندامی هەبژارتیی جقاتا کارگێریا قەزا زاخۆ بوو، کو ل وی دەمی قائیمقامی قەزا زاخۆ ناھۆی وی (صالح خلوصی بەگ ئەفەندی) بوو، (موصل ولایتی سالنامەسی، ۱۳۱۲ھ / ۱۸۹۴م، ص ۱۵۱).

هەرۆسا دناقبەرا سالی ۱۸۷۵ \_ ۱۹۱۲ دا هەرۆک د سالنامەیین عوسمانی دا هاتین، پشکداریا سەرۆک عەشیرەتیین بەهدینان د ناف جقاتا کارگێریا قەزایی دا ب فی رەنگی بوویە کو د خشتەیین ل خواری دا هاتینە دیارکرن، (بغداد ولایتی سالنامەسی، ۱۲۹۲ھ / ۱۸۷۵م، ص ۸۳\_ ۸۷؛ موصل ولایتی سالنامەسی، ۱۳۱۰ھ / ۱۸۹۲م، ص ۱۵۶ \_ ۱۷۷؛ موصل ولایتی سالنامەسی، ۱۳۱۲ھ / ۱۸۹۴م، ص ۱۴۶ \_ ۱۵۱؛ موصل ولایتی سالنامەسی، ۱۳۲۵ھ / ۱۹۰۷م، ص ۱۹۴ \_ ۱۹۷؛ موصل ولایتی سالنامەسی، ۱۳۳۰ھ / ۱۹۱۲م، ص ۱۹۷ \_ ۲۱۳).

قەزا	میژوو	سەرۆک (قایمقام)	ئەندامیین جقاتا قەزایی
ئامیدی	۱۸۷۵	ئەحمەد ئەفەندی	عەبدوڵوہاب ئاغا، مستەفا ئاغا، قەشە ئیشو ئاغا
	۱۸۹۲	عوسمان نووری ئەفەندی	عەبدوڵعەزیز ئاغا، حاجی قاسم ئاغا، یوسب ئاغا، شوعا ئاغا.
	۱۸۹۴	مستەفا سالم ئەفەندی	ئیشو ئاغا
	۱۹۰۷	عەبدوڵکەریم ئەفەندی	شەعبان ئاغا، ئیسماعیل ئاغا، توما ئاغا
	۱۹۱۲	عەلی فەھمی ئەفەندی	حاجی حامد ئاغا، شەعبان ئاغا، توما ئاغا، مویش ئاغا.
دھۆک	۱۸۷۵	عەلی زەنی ئەفەندی	عەبدوڵعەزیز ئاغا، میخا ئاغا، ئەبرمیا ئاغا.
	۱۸۹۲	شاكر ئەفەندی	صادق مەرەان ئاغا.
	۱۹۰۷	ئیبیراھیم نەجاتی ئەفەندی	کاکوز ئاغا .
	۱۸۷۵	سلیمان ئەفەندی	جمەعە ئاغا، حسین ئاغا، حەمو ئاغا ،...ئاغا.

زاخۆ	۱۸۹۲	ئىسحاق حەقى ئەفەندى	خواجه ييوسف ئاغا
	۱۸۹۴	صالح خەلوصى بەگ	حاجى ييوسف شەمسەددىن ئاغا (سليقانى)، محەممەد ئاغا .
	۱۹۰۷	تەوفىق بەگ	حاجى ئەحمەد ئاغا، عەلى ئاغا، گورگىس ئاغا.
	۱۹۱۲	عەلى نىيازى ئەفەندى	حاجى ئەحمەد ئاغا، حاجى صالح ئاغا، مېناس ئاغا، شەلوم ئاغا.
ئاكرىئ	۱۸۷۵	ئەمىن ئەفەندى	محەممەد ئاغا، عەبدولمەھاب ئاغا، ئەنتون ئاغا، داوود ئاغا.
	۱۸۹۰	تاھىر بەگ	مەنصور ئاغا، ساسوون ئاغا
	۱۸۹۲	يەققوب ئەفەندى	محەممەدەلى ئاغا، مەنصور ئاغا، ساسوون ئاغا.
	۱۸۹۴	قەدرى ئەفەندى	محەممەدەلى ئاغا، مەنصور ئاغا، ساسوون ئاغا
زىبار	۱۸۹۰	مستەفا ئەفەندى	حەسەن ئاغا، عەبدوللاھ ئاغا، محەممەد ئاغا
	۱۸۹۲	حاجى سەئىد ئەفەندى	حەسەن ئاغا، عەبدوللاھ ئاغا، محەممەد ئاغا، نىسان ئاغا.
	۱۸۹۴	مستەفا تەوفىق ئەفەندى	حەسەن ئاغا، عەبدوللاھ ئاغا، محەممەد ئاغا، نىسان ئاغا.

#### دوو: ناحىيە

يەككەيەكا كارگىرى يە و سەر ب قەزايىق قەيە، مدير ناحىيە سەرۆكاتيا وئ دكەت، ناحىيى ژى وەكى قەزايىق جقاتا خۆ يا كارگىرى يا هەى، (الدوسكى، ۲۰۰۷، ص ۲۱۰)، د قى يەكەكا كارگىرى دا بەھرا پتريا مدير ناحىيىن دەقەرا بەھدىنان ژ كەسايەتتىن عەششيرهتگەرى بووينە، بۆ نموونە دئ ئاماژە دەينە ھژمارەك ژ وان كەسايەتتيا:

#### عەبدولھادى بەگ:

ئېك ژ مەزن و سەرۆك عەشيرهتتىن بەروارى بالا بوو، ل سالا ۱۸۶۵ مدير ناحىيى بەروارى بالا بوو، ھەرودەك د بەلگەنامەيەكا عوسمانى دا ھاتى ئەوا ميژروويا وئ

قەدگەریت بۇ ۱۲۸۲ مش ۱۸۶۵ / ۱۸۶۶ز، كو د چەندىن نامەيىن شىخىن تەكيا بامەپنئ (شىخ محەممەد نەقشەبەندى) دا ئەويىن بۇ ناڧىرى ھنارتىن ناڧى عەبدولھادى بەگ ب مدير ناحيى بەروارى بالا ئىنايە، (i.DA: 6. 14, 5) .

### تەتەرخان:

ناڧى وى (تەتەرخان بەگ (ئىككى) كورپى مستەفا بەگ (ئىككى) كورپى خان ئاقدەل بەگ (ئىككى) كورپى گلاڭى بەگ (دوويى) كورپى پەزاق بەگ كورپى گلاڭى بەگ (ئىككى) كورپى عەبدولعەزىز بەگ )، (رېكانى، ۲۰۱۹، ل ۱۵۴)، ل سالا ۱۸۶۸ مدير ناحيى بەروارى بالا بوو (۱)، ھەرەك د بەلگەنامەيەكا عوسمانى دا ھاتى ئەوا ميژوويا وئ قەدگەریت بۇ ۱۲۸۵ مش / ۱۸۶۸ز، ناڧى تەتەرخان وەك مدير ناحيى بەروارى بالا ھاتىە و مووھرا وى زى ل سەر ھەيە، ( i.DA: 6. 107, 14) .

### حاجى سەئىم ئاغا:

ناڧىرى ل سالا ۱۸۷۵ مدير ناحيى مزوورى (ژىرى) بوو، ھەرەك د ساننامەيا ويلايەتا بەغدا يا سالا (۱۲۹۲ مش / ۱۸۷۵ز) ھاتى كو ل وى دەمى ئەف ناحيە سەرب قەزا دھۆك و سەنجهقا مووسل يا گرئىداى ويلايەتا بەغدا بوو، (بغداد ولايتى ساننامەسى، ۱۲۹۲ھ / ۱۸۷۵م، ص ۸۷) .

### عەبدوئلاھ ئاغا:

ناڧىرى ل سالا ۱۸۸۸ مدير ناحيى داوودىيى بوو، كو داوودىيى نوکە گوندەكئ سەرب ناحيا بامەپنئ يە، ھەرەك د بەلگەنامەيەكا عوسمانى دا ھاتى يا ميژوويا وئ قەدگەریت بۇ (۱۳۰۵ مش / ۱۸۸۸ز)، عەبدوئلاھ ئاغا مدير ناحيى داوودىيى بوو، كو ل وى دەمى سەرب قەزا ئامپىيى و گرئىداى ويلايەتا ھەكارى بوو، (SD.2528.22.6) .

### پەشىد بەگ:

ناڧى وى (حەجى پەشىد بەگ كورپى تەتەرخان بەگ) بوو، ل سالا (۱۸۷۰ز) ھاتبوو سەرب دونيايى، (رېكانى، ۲۰۱۹، ل ۱۵۲)، ئىك ژ مەزنىە ناڧداريىن سەرۆك عەشیرەتا بەروارى بالا بوو، ل سالا ۱۸۹۱ مدير ناحيى بەروارى بالا بوو، ھەرەك د بەلگەنامەيەكا عوسمانى دا ھاتى ئەوا ميژوويا وئ قەدگەریت بۇ ۱۳۰۹ مش / ۱۸۹۱ز، ناڧى محەممەدپەشىد (پەشىد بەگ) وەك مدير ناحيى بەروارى بالا ھاتىە و مووھرا وى زى ل سەر ھەيە، (SD.2168.15.33)، ھەرەسا د ناف ساننامەيىن ويلايەتا مووسل يىن سالىن (۱۸۹۲، ۱۸۹۴) دا ناڧى وى وەك مدير ناحيى بەروارى بالا ھاتىە، ھەزى گوتنى يە كو

ناقبری ل ساالا ۱۸۹۲ ب وهكالت دهستبكار ببوو، (موصل ولایتي سالنامهسی، ۱۳۱۰هـ / ۱۸۹۲م، ص ۱۷۴ ؛ موصل ولایتي سالنامهسی، ۱۳۱۲هـ / ۱۸۹۴م، ص ۱۵۱)، ل ساالا ۱۹۱۵ ژبهړ پشكداریا وی د سهفهر بهرلك (شهړئ گران دا) مهالیا مهجیدی یا پله پیئج ژلایئ دموهتا عوسمانی فه ومركرتیه، (i.TAL.499.30.2)، ل ساالا (۱۹۲۸ز) چوووبو بهر دلؤقانیا خودئ و ل گوندئ (ئهدنئ) ل دهفها بهرواری بالا هاتیه فهشارتن، (رپكانی، ۲۰۱۹، ل ۱۵۳).

### میرخان ئاغا:

ناقئ وی (میرخان ئاغا (ئپكئ) كورئ عهبدوللاه ئاغا (ئپكئ) كورئ عهبدوررهحیم ئاغا كورئ عهبدوررهحمان ئاغایئ ئپكئ) یه، ژ مهزئین مائباتا گوندئ بارهمینكئ یه ل دهفها بهرواری ژئریان، دناقبهرا سالیئ ۱۸۵۰\_۱۸۹۰ دا مهزئئ عهشیرهتا بهرواری ژئریان بوو، (البرواری، ۲۰۱۵: ۸۹)، ناقبری د ناف كارگيریئ عوسمانی دا وهك مدیر ناحیئ بهرواری ژئری (۲) هاتیه دامهزراندن، ههروهك د بهلگهنامهیهكا عوسمانی دا هاتی ئهوا میژوویا ویئ قهدهگهریت بؤ ۲۴ رهبعولئهوهول ۱۲۸۵ مش (۱۲ تهباخا ۱۸۶۸ز)، ناقئ میرخان وهك مدیر ناحیئ بهرواری ژئری هاتیه و مووهرای وی ئی ل سهر ههیه و ل سهر مووهرئ (عبده: میرخان) هاتیه نقیسین، (i.DA: 6. 107, 13)، ناقبری ههتا ساالا ۱۸۷۵ ئی یئ بهردهوام بوویه، ههروهك د سالنامهیا ویلایهتا بهغدا یا ساالا (۱۲۹۲مش/۱۸۷۵ز) دا هاتی كو ل وی دهمی مووسل سهنجهقهك بوو سهر ب ویلایهتا بهغداد فه، و قهزا ئامیدیئ ئی سهر ب سهنجهقا مووسل فه بوو، ل وی دهمی مدیرئ ناحیا بهرواری ژئری ناقئ وی (میرخان ئاغا) بوو، (بغداد ولایتي سالنامهسی، ۱۲۹۲هـ / ۱۸۷۵م، ص ۸۴)، ههتا ساالا ۱۸۷۹ ئی یئ بهردهوام بوویه، ههروهك د بهلگهنامهیهكئ دا هاتی ئهوا میژوویا ویئ قهدهگهریت بؤ ساالا (۱۲۹۶مش/۱۸۷۹ز)، كو ل قئ مووسل ژ سهنجهقا بهغدا قهقهتیا و وهك ویلایهتهكا سههیهخؤ هاته دامهزراندن، ئامازه دایه ناقئ (میرخان ئاغا) كو وهك مدیرئ ناحیا بهرواری ژئری هاتیه دامهزراندن، (الكتانی، ۲۰۱۰، ص ۵۸۷).

### حسین ئاغا (۳):

حسین ئاغا ئپك ژ مهزئین گوندئ بهرئاشئ یئ دهفها بهرواری ژئری بوو، ژیلی كاری ریفهبرنا كاروباریئ چكاکی یئ عهشیرهتئ، د كاریدهستیا كارگیریا عوسمانی دا ئی كار كریه، ههروهك د بهلگهنامهیهكا عوسمانی دا هاتی ئهوا میژوویا ویئ قهدهگهریت بؤ ۱۱ شهووالا ۱۳۰۸ مش (۱۹ جولانا ۱۸۹۱ز)، تپدا هاتیه كو مدیر ناحیئ بهرواری (ژئری) حسین ئاغای هیرش كریه ل سهر گوندیئ دهفها مزووری (ژئری)

و شه‌لاندینه، له‌ورا بۆ رېځگريکړنا فن چهندي هيزه‌کا له‌شکري بۆ ده‌قهرئ هاتيه هنارتن، هه‌ژي يه بيژين ل وي ده‌می ناحيا به‌رواري سه‌ر ب قه‌زا ئامپديئ و ويلايه‌تا وانئ قه‌ بو، (DH.MKT. 1834.83.1)، هه‌روه‌سا د ناف سالنامه‌ييئ ويلايه‌تا مووسل دا بين سالين (١٨٩٢، ١٨٩٤، ١٩٠٧) دا ناقئ وي وه‌ک مدير ناحيئ به‌رواري ژيري هاتيه، هه‌ژي گوئتي يه کو ناقبري ل ساللا ١٩٠٧ ب وه‌کاله‌ت ده‌ستبکار ببوو، (موصل ولايتي سالنامه‌سي، ١٣١٠هـ / ١٨٩٢م، ص ١٧٤ ؛ موصل ولايتي سالنامه‌سي، ١٣١٢هـ / ١٨٩٤م، ص ١٥١ ؛ موصل ولايتي سالنامه‌سي، ١٣٢٥هـ / ١٩٠٧م، ص ١٩٥).

### شيخ سين:

ئيك ژ مه‌زن و سه‌رؤكپن عه‌شيره‌تا ريگانيان بوو ل نيقا ئيكي و ده‌ستپيكيئ نيقا دووي ژ سه‌ده‌ئ نؤزدي، هه‌روه‌كي ناف و مووه‌را وي دنامه‌يه‌کا واليئ هه‌كاري (ئيسماعيل كامل پاشاي) دا هاتي ئه‌وا ناقهاتي ل شه‌ووالا ١٢٦٨مش/١٨٥٢ز بۆ بابلعالي هنارتی و ل ده‌قهر ئامپديئ ريژميا نفووس و دانا ئيعانه‌ييئ كومكرين كو ل وي ده‌می قه‌زايين ئامپديئ و چه‌ليو جو له‌ميرگي و گه‌قهر و ئه‌لباق و مه‌حموودي و قوتوور و بيت الشباب (ئه‌لكئ) سه‌ر ب سه‌نجه‌قا هه‌كاري قه‌ بوون، ئه‌ف نامه‌يه‌ بناقئ زانا و شيخ و قه‌شه و راهبين فله‌يان و سه‌رؤك عه‌شيرت و موختار و ئه‌ندامين جقاتين قه‌زايين ناقهاتي ناراسته‌ی بابلعالي كربوو، و ئيك ژ وان كه‌سيئ پشكار شيخسين ئاغايئ ريگانيان بوو، (كاپلان، گوئي، ٢٠١٩، ل ٢٨\_٢٩)، د سترانه‌کا گه‌له‌ري دا به‌حسئ وي هاتيه كرن كو روودان شه‌ره‌كئ دناقه‌ه‌را عه‌شيره‌تا دؤسكي و ريگانيان بوويه (٤)، ناقبري بوويه مدير ناحيئ ريگان، ئه‌فه‌ ژي هه‌روه‌ك د به‌لگه‌نامه‌يه‌کا عوسمانی دا هاتي ئه‌وا ميژوويا وي قه‌دگه‌ريت بۆ ٢٨ رمييعولنه‌وه‌ول ١٢٨٥ مش (١٦ ته‌باخا ١٨٦٨ز)، ناقيشيخ سين وه‌ك مدير ناحيئ ريگان (٥) هاتيه و مووه‌را وي ژي ل سه‌ر هه‌يه و ل سه‌ر مووه‌ريئ(عبده: شيخ سين) هاتيه نفيسين، (19, 6. 107, i.DA).

### عه‌لي به‌گ:

عه‌لي به‌گ كورئ ته‌ته‌ر به‌گئ ئيكي يه، ئيك ژ سه‌ركرده و مه‌زنيئ عه‌شيره‌تي نپروه بوو، ژ ره‌قيشتا ميرين كه‌لا نپروه‌يه، ناقبري خاندنا خو ل ئيس‌تانبولي تمام كربوو، و ل ويري ژيابوو پشتي كه‌فتنا ميرگه‌ها به‌هدينان ل ساللا (١٨٤٢ز) ئ ل سه‌ر ده‌ستئ ده‌وله‌تا عوسمانی، په‌يوه‌ندي بين به‌رفره‌هـ دگه‌ل كؤمه‌لين سياسي و ناقه‌نديئ په‌وشه‌نبيري بين كوردي هه‌بوون، و ده‌ه‌مان دم دا په‌يوه‌ندي بين به‌يز دگه‌ل شيخ عه‌بدوسسه‌لامئ بارزانی (عه‌بدوسسه‌لامئ ئيكي: مرن ١٨٧٤) هه‌بوون و زنجيرا

گهاندنن بوو دناقهرا شیخن بارزان و کەسایەتیین سیاسی ل ئیستانبولن، (نیروەیی، ۲۰۱۸، ل ۱۶۲\_ ۱۶۳)، ل سالا (۱۲۹۲مش/ ۱۸۷۵ز) مدیری ناحیا نیروه بوو، هەرۆک د سائنامەیا ویلایەتا بەغدا یا سالا (۱۲۹۲مش/ ۱۸۷۵ز) ئا دا هاتی کو ل وی دەمی مووسل سەنجەقەک بوو سەر ب ویلایەتا بەغداد قە، و قەزا ئامیدی ئی سەر ب سەنجەقا مووسل قە بوو، ل وی دەمی مدیری ناحیا نیروه ناقن وی (عەلی بەگ) بوو، (بغداد ولاییتی سالنامەسی، ۱۲۹۲هـ / ۱۸۷۵م، ص ۸۴)، ل سالا ۱۸۷۸ ل گوندی سینیا ل دەقەرا نیروه وەغەرکریه، (رێکانی، ۲۰۱۹، ل ۵۴۶).

### خورشید ئاغا:

ئیک ژ مەزنە سەرۆک عەشیرەتا مزووری ژیری بوویە، ل ۱۸۹۰ ناقبری مدیر ناحیا مزووری ژیری بوو ئەوا سەر ب قەزا دەۆک، (موصل ولاییتی سالنامەسی، ۱۳۰۸هـ / ۱۸۹۰م، ص ۱۱۱).

### عەبدی ئاغا:

ناقن وی (عەبدی ئاغا) کورن یەعقوب ئاغا کورن جانگیر کورن کەلەش کورن ئیبراهیم کورن مووسا) یە، ژ مەزنن عەشیرەتا سندی بوویە، ل سالا ۱۹۰۰ ناقن وی وەک مدیر ناحی سندی گوللی هاتیە، (گولی \_ الجوادی، ۲۰۱۹: ۱۴۵)، هەرۆک د بەلگەنامەیا عوسمانی دا هاتی ئەوا میژوو یا وئ قەدگەریت بۆ ۱۹ رەمەزانا ۱۳۰۲ مش (۱ تیرمەها ۱۸۸۵ ز)، تیدا هاتیە کو سەرۆک ناحیا سندی گوللی عەبدی ئاغا (سندی) گلەیینامە ل سەر هندیە بەرپرسی کارگیرین زاخۆ هەیه و ناقبری داخواز کریه کو ناحیا سندی گوللی ژ قەزا زاخۆ (ویلایەتا مووسل) بەیتە قەقەتاندن ب قەزا بیت الشباب (سەنجەقا هەکاری) بەیتە گریدان، (DH.MKT. 1347.59.1).

### تەتوو (تەتەر) ئاغا رێکانی:

تەتوو (تەتەر) کورن فەتاح ئاغا بوو، ئیک ژ مەزنە سەرۆک عەشیرەتن رێکانیان بوو ل دووماهیین نیفا دوین ژ سەدی نۆزدی و دەستیکیین نیفا ئیک ژ سەدی بیست، د کاروبارین کارگیریا عوسمانی دا ببوو مدیری ناحیا رێکان، هەرۆک د سائنامەیا ویلایەتا مووسل یا سالا (۱۹۰۷ز) دا هاتی کو ل قن سالی مدیری ناحیا (رێکان) بوو ب (وێکالەت) کو مدیری فەخری یی ناحی بوو، (موصل ولاییتی سالنامەسی، ۱۳۲۵هـ / ۱۹۰۷م، ص ۱۹۵)، گەرۆکی ناقدار قەشە (ویگرام) دەمی ل سالیین دەستیکی سەدی بیستی هاتیە کوردستانی و نەخاسە دەقەرا بارزان دبیژیت: (( تەتو ئاغا کەسەکی رکو

بوويه كوچ جاران ملكهچى فهريمانين شىخى بارزان [ شىخ عهبدوسسهلام بارزاني / دووى [ نهبوويه ))، (ويگرام، ۲۰۱۰، ص ۱۲۱)، ل سالا (۱۹۱۲ز) ئى و براىخ وى تهموو(تهمەر) ل سهر دهستى سىتوو ئاغايخ ئورهمارى (خهزيرئ ههر دوو برايان بوو) هاتينه كوشتن، (DH.H. 53.37.2).

**س: فهريمانگهها جقاتا باژيرفانيخ:**

ئىك ژ پىنگاڤين گرنگ د ناف كاروبارين ريكخستين كارگيرين عوسمانى دا دامهزاندنا جقاتين باژيرفانيخ بوون، ههر چهنده پويتهدانا دمولهتا عوسمانى ب خزمهتگوزارين باژيرفانيخ ههدگهته سالا ۱۸۵۴، بهئى ل سالا ۱۸۵۸ ئىكهم باژيرفاني ل دمولهتا عوسمانى ل ئىستانبوولئ هاته دامهزاندن، كو پىكهاتيا جقاتى ژ سهروكى و ههشت نهندامان پىكهات كو دوو ژ وان د بوونه بريكار بو سهروكى، چار شيرهتكار، هاريكارهك، كاتبهك، ئەمىن صندوق، ومرگپ، ئەندازيارهك، بيناسازهك، و ل دويق ليستهنامهيا ريكخستين ويلايهتى ئەوا ل ۷ جهماديلئاخر ۱۲۸۱ مش / ۶ چريا دووى ۱۸۶۴ز دهركهفتى برپار هاته دان كو پىكهينانا جقاتين باژيرفانيخ ل ناڤهندين ويلايهت و قهزاينان ب ههلبزارتنان بيت، و ل ۲۳ رهبيعوئلهووهل ۱۲۸۴مش/ ۲۴ تيرمهها ۱۸۶۷ز رينما دهركهفتن كو ل دويق وئ ئهرك و كارين جقاتين باژيرفانيخ هاتنه دهستيشانكرن، (نصار، ۲۰۰۵، ص ۹۸-۹۹).

د قى يهكيا كارگيرى ژى دا ل قهزاينان دهقرا بههدينان پرايا وان چ وهك سهروك يان نهندام ژ مهزنه سهروك عهشيرهتان پىكهات، ههروهك د سالنامهيين عوسمانى دا نهخاسمه يين ويلايهتا بهغدا و مووسل هاتينه ديار كرن، (بغداد ولايتي سالنامهسى، ۱۲۹۲هـ / ۱۸۷۵م، ص ۸۳-۸۷ ؛ موصل ولايتي سالنامهسى، ۱۳۱۰هـ / ۱۸۹۲م، ص ۱۵۶-۱۷۷ ؛ موصل ولايتي سالنامهسى، ۱۳۱۲هـ / ۱۸۹۴م، ص ۱۴۶-۱۵۱ ؛ موصل ولايتي سالنامهسى، ۱۳۲۵هـ / ۱۹۰۷م، ص ۱۹۴-۱۹۷ ؛ موصل ولايتي سالنامهسى، ۱۳۳۰هـ / ۱۹۱۲م، ص ۱۹۷-۲۱۳)، د قى خستهيخ ل خوارئ دا دئ سهروك و نهندامين جقاتا باژيرفانيخ قهزاينان دهقرا بههدينان يين دناقبهرا سائين ۱۸۷۵ \_ ۱۹۱۲ دا دهينه ديار كرن:

قهزا	مىژوو	سهروك	نهندامين باژيرفانيخ
ئاميدىخ	۱۸۷۵	عهبدوئلاه ئهفهندي	مستهفا ئاغا.
	۱۸۹۲	سهعدوئلاه ئاغا	
	۱۹۰۷	شعبان ئاغا	

	شەعبان ئاغا	۱۹۱۲	
دەۋك	سليمان ئاغا	۱۸۷۵	عەبدوللاھ ئاغا، شەمعوون ئاغا.
زاخۇ	مستەفا ئاغا	۱۸۷۵	عەلى ئاغا، عېسا ئاغا، مستەفا ئاغا، يۈوسف ئاغا، مېر ئىسحاق ئاغا.
	عارف ئاغا	۱۸۹۰	تاھر ئاغا، حەسەن ئاغا، خواجه رەشو ئاغا، ملكو ئاغا.
	عەبدولقادر ئاغا	۱۸۹۲	تاھر ئاغا، حەسەن ئاغا، خواجه رەشو ئاغا، ملكو ئاغا.
	عەبدولقادر ئاغا	۱۸۹۴	تاھر ئاغا، حەسەن ئاغا، ملكو ئاغا، شاول ئاغا.
	محەممەد ئاغا (سليقانى)	۱۹۰۷	حاجى ئاغا، حاجى صالح ئاغا، يۈوسف ئاغا.
	محەممەد ئاغا (سليقانى)	۱۹۱۲	حاجى ئاغا، حاجى صالح ئاغا، يۈوسف ئاغا.
ئاكرى	حاجى محەممەد شەرىف ئاغا	۱۸۹۲	يۈونس مەحمۇود ئاغا
	حاجى محەممەد شەرىف ئاغا	۱۸۹۴	يۈونس مەحمۇود ئاغا، حاجى مستەفا ئاغا.

### محەممەد ئاغا (محەممەد ئەفەندى):

ناقى ۋى محەممەد ئاغا كورېئ شەمىدىن (شەمسەددىن) ئاغا سليقانى يە، ل ساللا (۱۸۷۴ز) ئ ل زاخۇ ھاتبوو سەر دونيايى، ل ساللا ۱۹۰۷ سەرۆكى باژىرقانیا زاخۇ بوو، ھەرۋەك د بەلگەنامەيەكا عوسمانى دا يا ميژوويا ۋى قەدگەرپىت بۇ ۹ رەمەزانا ۱۳۲۵ مش (۱۶ چىريا ئىكى ۱۹۰۷) كو تىدا نامازە دايە رۇلى ۋى و مەلا تەيبب سليقانى د بواري خزمەتگوازيئا ئاگرۋەمراندن و قورتالكرنن دا و مەداليا رىزلينانن وەرگرتيە، (DH.MKT. 1209.74.1)، ھەرۋەسا ھەرۋەك د سالنامەيا ويلايەتا مووسل يا ساللا ۱۹۱۲ دا ھاتى، ناقبرى ل ۋى سالى زى سەرۆكى باژىرقانیا زاخۇ بوو، موصل ولايتي سالنامەسى، ۱۳۳۰ھ (۱۹۱۲م، ص ۲۱۳)، ل رۇزا (۲۲ تيرمەھا ۱۹۲۴ز) ئ ژ ئەگەرئ كەفتنا فرۆكەين (دەمى ژ بەغدا بۇ مووسل دەھاتە قەگۆھاستن) چووبو بەردلوقانیا خودئ، (پىكانى، ۲۰۱۹، ل ۳۲۳\_۳۲۴).

## ئەنجام:

ل دويىف ئى قەكۆلىنى بۇ مە چەند خالىن گىرنگ ديار دىن ژ وان ژى:

۱. ايشتى كەفتنا ميرگەھين كوردى، سىستەمى كارگىرى ل دەقەرىن كوردستانى ژ مير و حاكمان بۇ سەرۆك عەشیرەتان (ئاغا و بەگ) و ژ سەرايا مىرى بۇ كوچك و ديوانا ئاغاين هاتە قەگواستن.
۲. ژىلى رىقەبرنا كاروبارىن كومەلايەتى، مەزن و سەرۆك عەشیرەتەن بەھدىنان (ئامىدىي، ئاكىرى، زاخۇ...ھتد) كارىدەستى ل كاروبارىن كارگىرىين عوسمانى قەزا، جقاتا قەزايى، ناحىيە، باژىرقانى... وەرگرتىنە و هاتىنە دامەزاندن.
۳. ژىلى پىكھاتەيىن موسلمان، ژ مەزنە عەشیرەتەن پىكھاتەيىن دىتر ژى (جوھى، نەستورى) كارىدەستى كارگىرى نەخاسمە ل جقاتا باژىرقانى وەرگرتىنە .
۴. زىدەبارى پىشەبەستنا دەولەتا عوسمانى ل سەر سەرۆك عەشیرەتان، يەكەيىن كارگىرى ژى ھەر ب ناڧىن عەشیرەتان هاتىنە ناڧىر، ئانكۇ ب شىۋەيەكى گىشتى روويەكى عەشیرەتگەرى بخوفە دىتى يە.

## پەراۋىز:

(۱) ناحيا بەروارى بالا: ئىكە ژ ناحيىن كەفن يىن سەر ب قەزا ئامىدىي قە، نوکە ناڧى وئ(كانى ماسى) يە و سەنتەرى ناحيى دكەڧىتە باكورى سەنتەرى قەزايى ب دووراتيا نىزىكى (۳۵ كم)ان، رۆژھەلاتا ناحيى گوندى (دورى) و (ئاياتى) يە، رۆژئاڧايا وئ دىرىشكى يە، باشورى ئورمەدادا، و باكوور سنوورى توركيایە، ھەروەسا ھەڧتخويە دگەل چەندىن يەكەيىن كارگىرى، ل باشورى وئ سەنتەرى قەزا ئامىدىي يە، ل رۆژھەلاتى دەقەرا (نېروە و پىكان)ە، و ل رۆژئاڧا ناحيا باتىفا يە سەر ب قەزا زاخۇ قەيە،ل باشور ناحيا بامەرتى يە، ھەروەسا دكەڧىتە دناڧبەرا دوو ناڧىن مەزن دا ئەو ژى رووبارى زىي مەزن (بەھدىنان) و رووبارى (خابىرى) يە، رووبەرى ناحيا كانى ماسى (۶۱۰ كم) يە، (رىكانى، ۲۰۱۹، ل ۱۶۱) .

ل دويىف ساننامەيا وىلايەتا بەغدا يا سالا (۱۲۹۲مش/۱۸۷۵ز)ئى كو ل وى دەمى مووسل سەنجهقەك بوو سەر ب وىلايەتا بەغداد قە، و قەزا ئامىدىي ژى سەر ب سەنجهقا مووسل قە بوو، مديرى ناحيا بەروارى بالا ل ئى سالى ناڧى وى (تىلى بەگ) بوو، (بغداد ولايتى ساننامەسى، ۱۲۹۲ھ / ۱۸۷۵م، ص۸۴).

(۲) ناحيا بەروارى ژىرى: ئىك ژ ناحيىن كەڧنىن دەقەرا بەھدىنان بوويە، كو دەسەردەمى عوسمانى دا خودان يەكەيەكا كارگىرى يا ناحيى بوويە و ناڧى وئ ل سەردەمى عوسمانى

ب ناحيا بهروارى ژېرى هاتيه دهستنيشانكرن، ئەف چەندە ژى د هژمارەكا سالنامەيىن عوسمانى دا هاتيه دياركرن، ناحيا چەمانكى ئېكە ژ ناحيىن سەر ب قەزا ئامېدىي (باشورئ روژھەلاتئ ئامېدىي) و دكەفیتە ل دقەرا بهروارى ژېريان، گوندین دوروبەريىن سەنتەريى ناحيىن ژلايىن روژھەلاتى قە گوندئ كانى مازئ و بارەمينكى يە، ل روژنافا گوندئ ميژئ، ل باكورى سيارى و سپيندارئ يە و ل باشورى گوندئ گەقەرکئ و بارەمينكى يە، و ژلايى سنوورين کارگيڤرى قە روژھەلاتا ناحيا چەمانكى دبيتە ناحيا دينارتئ سەر ب قەزا ناکرئ قەيه ، ل باكورئ روژھەلاتى هەفتوخيبە دگەل ناحيا ديڤرەلوک، ژلايى باكورئ روژنافا قە هفتوخيبە دگەل ناحيا سەرسنکئ، و ل باشورئ روژھەلات سنوورين وئ دگەل ناحيا قەسروکئ يە يا سەر ب قەزا شيخان قە، و ل ناقراستا باشورى ناحيا (ئەترووش)ە يا سەر ب قەزا (شيخان) قە، و ل باشورئ روژنافا هفتوخيبە دگەل ناحيا (زاويتە) يا سەر ب قەزا دھۆکئ قە، (ريکانى، ۲۰۱۹، ل ۱۷۴\_۱۷۵).

(۳) ناقي وى (حسین ئاغا كورئ نەعمان (دووئ) كورئ محەممەد (ئېكئ) كورئ نەعمان (ئېكئ) كورئ ئەزەدەشيڤر)ە، باپيرئ وان يى مەزن (ئەزەدەشيڤر) ژ ناکنجيىن دقەرا چەلئ (هەكارى) بوو. بنیپره: البرواري، ۲۰۱۵، ص ۲۰۰.

(۴) ئەقا ل ژېرى دقئ وئ سترانئ يە ئەوا ب شيخسين ريکانى هاتيه گوتن:

### شيخسين بەگ

دئ بيت شەپ و نابيت شەپ

وہللا بابوو دئ بيت شەپ

لاويان هنگاقت گولئىن تەپ

سەرئ دارئ قەلدا شەپ

سەرئ دارئ سەرئ دارئ

وہللا بابوو دئ بيت شەپ

جابع بدن ئورەمارئ

مال و ميڤر بيئە هەوارئ

سەرئ دارئ سەرکەفتن

کيڤريا دارئ سەرکەفتن

هەر دوو جووين عەشیرەتن

ريکانى خوەش مللەتن

سەرئ دارئ چەلۆکە

کيڤريا دارئ چەلۆکە

رېكانى كەفتن چوكە  
دۆسكيان كوشتن سەرۆكە  
شېخومەرئ ھنىشى  
ھوى خۆشمېرئ ھنىشى  
تۆب كالكا گەمېشى  
مېران ژ دۆسكيان د كەلېشى  
سەرئ دارئ ب دارە  
كېريا دارئ ب دارە  
رېكانيان بوو ھەوارە  
شېخسېن بەگ برىندارە  
سەرئ دارئ رەشېشە  
كېريا دارئ رەشېشە  
دۆسكيان ئېرش ئېرشە  
برىنېن شېخسېن ئېشە  
سەرئ دارئ ھەلزە  
كېريا دارئ ھەلزە  
بەگلىكان گىزە گىزە  
شېخسېن سەر نېرگزە  
سەرئ دارئ تەقى يە  
كېريا دارئ تەقى يە  
شېخسېن پەزئ كويقى يە  
دۆسكيان دا بەر مېسرىە  
شېخسېن مېرئ رېكانئ  
حاکم مېرئ رېكانئ  
ئاگر دارئت شەشخانئ  
لەش كېشان بەنستانئ  
بەنستانئ بەلاقە  
ھەر وېرانئ بەلاقە  
شىن و لاوئ زراقە

خەرىمان ئاف خوە داڤه

ئاقبەينا ئاشى سپىرى

هەراما ئاقى سپىرى

خوەلىن تەلاقىن بىرى

لەشىن شىحسىن ما ل وىرى.

بنىرە: Kaplan , 2015 , s. 542-543

(۵) ناحيا رېكان: ئىك ژ ناحيىن كەقنىن دەڤهرا (بەهدىنان) بوويه ل سەردەمى دمولەتا عوسمانى دا، كو ناحيهكا سەرىخۆ بوويه ئانكو بەرى دگەل ناحيا (نېرود) هەقبگرن و پىكڤه ببنه ناحيا (نېرود و رېكان)، هەرودك د بەلگەنامەيەكا عوسمانى دا يا سالا (۱۲۶۷مىش \_ ۱۸۵۰ز) ئاقى (ناحيا رېكان) هاتيه و سەرب قەزا ئامپىدىن و ويلايهتا هەكارى (جولەمىرگى) قە بوويه، (الكتانى، ۲۰۰۹، ص ۳۲۵)، و دچەندىن سالنامەيىن عوسمانى دا ژى وەك ناحيهكا سەرىخۆ هاتيه دياركرن هەرودك د سالنامەيا ويلايهتا بەغدا يا سالا (۱۲۹۲مىش \_ ۱۸۷۵ز) دا ئامازە پېهاتيه دان، (بغداد ولايتى سالنامەسى، ۱۲۹۲ھ / ۱۸۷۵م، ص ۸۴).

## ليستا ژىدەران

ئىك: بەلگەنامە سەرۆكاتيا كومارى \_ ئەرشىڤى عوسمانى

BOA ( Başbakanlık Osmanlı Arşivi

### 1- Dahiliye Mektubati

1209.74.1 DH.MKT.

1347.59.1 DH.MKT.

1834.83.1 DH.MKT.

### 2-Divan-i Ahkam-i Adiye

i.DA: 6. 14 , 5

i.DA: 6. 107 , 13

i.DA: 6. 107 , 14

i.DA: 6. 107 , 19

### 3-Şura-yi Devlet

ŞD.2168.15.33

ŞD.2528.22.6

### 4-Meclis-i vala Riyaseti Belgeleri

I.MVL. 161.43.2

I.MVL. 353.14

### 5-Taltifat

i.TAL.499.30.2

### 6- Dahiliye Hukuk

53.37.2 DH.H.

## 6- Mektubi Kalemî - Meclis-i vala

70.36.1 A.MKT.MVL.

## 7- Sadaret Divan

A.DVN.95.36.1

## 8- Sadaret – Mektubi Kalamî Nazarat ve Devayir

A.MKT. NZD. 57. 2.1

### دوو: سالنامه‌یین عوسمانی

- \_ بغداد ولایت سالنامه‌سی، دفعه: ۱، ۱۲۹۲ھ / ۱۸۷۵م.
- \_ سالنامه دولت علیة عثمانیة، ۱۳۰۵ھ / ۱۸۸۷م.
- \_ موصل ولایتی سالنامه‌سی، ۱۳۰۵ھ / ۱۸۸۷م.
- \_ موصل ولایتی سالنامه‌سی، ۱۳۰۸ھ / ۱۸۹۰م.
- \_ موصل ولایتی سالنامه‌سی، ۱۳۱۰ھ / ۱۸۹۲م.
- \_ موصل ولایتی سالنامه‌سی، ۱۳۱۲ھ / ۱۸۹۴م.
- \_ موصل ولایتی سالنامه‌سی، ۱۳۲۵ھ / ۱۹۰۷م.
- \_ موصل ولایتی سالنامه‌سی، ۱۳۳۰ھ / ۱۹۱۲م.

سئ: په‌رتووک

#### ۱\_ ب زمانئ کوردی

##### أ\_ ب پیتئین عەرهبی

\_ **پٚکانئ، هیرش که‌مال، عه‌شیرمتئین به‌هدینان ۱۵۱۴\_۱۹۱۹ز** (قه‌کۆلینه‌کا دیرۆکی به‌لگه‌نامه‌یی)، سه‌نته‌رئ بٚشکجی بۆ قه‌کۆلینئین مرۆقاه‌تئی \_ زانکۆیا ده‌وک، (ده‌وک: ۲۰۱۹).

\_ **نٚرووی، عه‌لی ته‌ته‌ر، مٚزوویا میرئین نٚزدینان ل ده‌قه‌را نٚروه** سه‌ده‌ئ ۱۳ \_ ۱۹۱۵، ده‌زگه‌ها سپیرئیز یا چاپ و وه‌شانئ، (ده‌وک: ۲۰۱۸).

##### ب\_ ب پیتئین لاتینی:

\_ Kaplan , Yaşar, Kaniya Sitranan, Nûbihar, (Stanbul: 2015).

#### ۲\_ ب زمانئ عەرهبی

\_ **اوغلی، خلیل ساحلی، من تاریخ الأقطار العربية في العهد العثماني بحوث و وثائق و قوانین،** (استانبول: ۲۰۰۰).

\_ **البرواری، محمد‌آمین عبدالرحمن، منطقة برواري ژئری الطبيعية و البشرية، ط ۱،** (ده‌وک: ۲۰۱۵).

\_ **الدوسکی، کامیران عبدالصمد أحمد، به‌دینان في أواخر العهد العثماني ۱۸۷۶ \_ ۱۹۱۴** دراسة تاريخية ، مؤسسة موكوريانى للبحوث و النشر، ط ۱، (أربیل: ۲۰۰۷).

٤\_ الكتاني، مسعود مصطفي، مدرسة قوبا \_ قوبهان ذلك الطود الشمس الأفلة ، (دهوك: ٢٠٠٩).

.....، المساجد و المدارس و العلماء و المخطوطات في إمارة بادينان، (دهوك: ٢٠١٠).

٥\_ گوئي \_ الجوادي، نزار أيوب، غسان وليد، مقدمة في تاريخ زاخو خلال العهد العثماني ١٥١٥ \_ ١٩١٨ دراسة تاريخية وثائقية، مركز زاخو للدراسات الكردية، ط ١، (زاخو: ٢٠١٩).

٦\_ نصار، عبدالعظيم عباس، بلديات العراق في العهد العثماني ١٥٣٤ \_ ١٩١٨ دراسة تاريخية وثائقية، ط ١، (٢٠٠٥).

٧\_ ويگرام، دبليوأي، مهد البشرية الحياة في شرق كردستان، ت: جرجيس فتح الله، دار ناراس للطباعة و النشر، ط ٤، (أربيل: ٢٠١٠).

### ٣\_ ب زمانغ ئينگليزى

Mark :Sykes,

1\_DAR\_UL\_ISLAM . LONDON: 1904.


### چار: گوڤار

\_ كاپلان \_ گوئي، يشار، نزار ئهيووب، ئاستهنگين كارگيريا عوسمانى ل كوردستان پشتى كهفتنا ميرگههين كوردى، گوڤارا رووگهه، ژماره ٧، هاقينا ٢٠١٩.

پاشکۆ

قایم مقامین زاخۆ (حسین ناغا)

۱۲۷۰ مش / ۱۸۵۴از



A.} DVN.00095.00036.001

ژیدمەر: (ADV.N. 95. 36. 1)

مدیر ناحیئ بهرورای بالا (عهبدولهادی بهگ)


۱۲۸۲ مش \_ ۱۸۶۵ / ۱۸۶۶از

بنام جناب میرزا محمد علی بهرورانی بالا حضرت امانت علی عبدالهاری سلم ددعا رسیم  
 بعد از سلام و دعا اولاً بخت و سلطت عزیزان وی فدای محمدان و مریدان و دوستان تقویٰ شما بنام  
 بخت کردار و دلای و دلای علی عرف عبدالهاری آقا که قدری دو بزار عشق بند بر دست کفچه نام  
 بین کبوتر سبک نام کفچه آشتی می دارد در با ظرف آند بایستیم همست فرمایند از طرف خود  
 ادری امره میگویند که بارند تا کجا با بخت رسیده و در حدیث ارضیع هم با سلطت آورده  
 و در ماره افند باره ما نیز همست نموده خداوند در این باب از بر فرمودی از طرفت عینت سعادت  
 حاصلت و سلام بهر محمدان رسیم باقر السلام انعام والی  
 ابو الوری  
 محمد آقا  
 اسعد  
 بنام جناب میرزا محمد علی بهرورانی بالا حضرت امانت علی عبدالهاری سلم ددعا رسیم  
 بعد از سلام و دعا اولاً بخت و سلطت عزیزان وی فدای محمدان و مریدان و دوستان تقویٰ شما بنام  
 بخت کردار و دلای و دلای علی عرف عبدالهاری آقا که قدری دو بزار عشق بند بر دست کفچه نام  
 بین کبوتر سبک نام کفچه آشتی می دارد در با ظرف آند بایستیم همست فرمایند از طرف خود  
 ادری امره میگویند که بارند تا کجا با بخت رسیده و در حدیث ارضیع هم با سلطت آورده  
 و در ماره افند باره ما نیز همست نموده خداوند در این باب از بر فرمودی از طرفت عینت سعادت  
 حاصلت و سلام بهر محمدان رسیم باقر السلام انعام والی  
 ابو الوری  
 محمد آقا  
 اسعد

ژئیدمر: (i.DA. 6. 14 , 5)

مدیر ناحیہ بہرورانی بالا (تہتمہر خان)

۱۲۸۵ مش / ۱۸۶۸ز



i.DA.0006

ژئیدمر: ( i.DA. 6. 107 , 14 )

مدیر ناحیہ بہرورانی ژئیری (میرخان ناغا)

۱۲۸۵ مش / ۱۸۶۸ز



ژئیدم: (i.DA: 6. 107, 13)

مدیر ناحیہ ریگان (شیخ سین)

۱۲۸۵ / مش / ۱۸۶۸



ژئیدم: (i.DA: 6. 107, 19)

ژ سہرؤک عہشیرہ تین قہزا نامیدیہ

مدیر ناحیہ (بہرواری بالا و ژیری، ریگان، نیروہ)، ۱۸۷۵

## موصیٰ سبحانی

عماد میر قضا ہے

نواحی مدیر ہے

مجلس عالی

اسامی	رتہ	نشان	اسامی	رتہ	نشان
رئس نایب			داود بہ مدیر علی اقدی		
طاہر اقدی	۲		براوری بالامدیری تیللی بک		
حسین اغا	۳		براوری زیرمدیری میرخان اغا		
قسر اواد بسراغا	۴		ریکان مدیری صالح بک		
صدق امینی محمد جواد اقدی			برزہ مدیری علی بک		

## رسومات قاضی

عمار بہ ماموزی علی اقدی		داود بہ ماموری احمد اقدی	
براوری بالاماموری حسین اغا		کارہ مملوہ ماموری احمد اقدی	

سالنامہ میا ویلایہ تا بہ غدا، ۱۲۹۲ ہجری / ۱۸۷۵ م





پهشید بهگ بهرواری (محمد مهدي پهشید)، ۱۸۹۱

عنوان: *مهمه*  
 شماره: *۱۹۱*  
 تاریخ: *۱۹۱۱*  
 مکان: *اصفهان*  
 موضوع: *توضیح در خصوص...*  
 امضا: *محمد مهدي پهشید*  
 مهر: *اصفهان ۱۹۱۱*

ژئید: (SD.2168.15.33)

مدیر تاحیق بهرواری ژئیری (حسین ناغا)، ۱۸۹۱

شماره: *۱۱۴*  
 تاریخ: *۱۸۹۱*  
 موضوع: *توضیح در خصوص...*  
 امضا: *حسین ناغا*  
 مهر: *اصفهان ۱۸۹۱*

﴿ مرکز ملحق قضا ﴾	
﴿ عدلیہ سینی ﴾	
اعضا و مستطقی مصطفیٰ افندی	ایکچی کاتب مصطفیٰ افندی
موتی انا	میاشر عبدالهادی انا
باشکاتب خلیل افندی	طاهرانا
مستطقی معاون محمد افندی	اوطہچی حسین انا
﴿ بدلیہ رئیس سعدالله انا ﴾	
﴿ ضابطہ مامورزی ﴾	
پوزیشنی حاجی حسین انا	زورنال امینی محمد سعید افندی
﴿ ملحقا قضا ﴾	
﴿ داودیہ ناحیہ سی ﴾	
مدیر ہلی رضا افندی	کاتبی محمد افندی
﴿ پرواری بالا ناحیہ سی ﴾	
مدیر و کلی محمد رشیدک	کاتبی منعل
صندوق امینی منعل	
﴿ پرواری زور ناحیہ سی ﴾	
مدیر حسین انا	
﴿ بیروہ ناحیہ سی ﴾	
مدیر صدیق بک	
﴿ ریکان ناحیہ سی ﴾	
مدیر ظاہر بک	

سائنامہیا ویلایہتا مووسل، (۱۳۱۰مش ۱۸۹۲ز)




مدیر ناحیہ ریگان ب وکالت (تمتہر ناغا / تہتو)، ۱۹۰۷

داود بہ ناحیہ سی	مدیر توفیق افندی
کاتب محمد فہمی افندی	
برواری بالا ناحیہ سی	
مدیر حاجی عبد الباقی افندی	
رزی محافظہ مامور بی	
قولجی نفر ۸	مامور محمد رؤف افندی
برواری زیر ناحیہ سی	
مدیر وکیلی حسین اغا	
ریگان ناحیہ سی	
مدیر وکیلی تانار اغا	
نیروہ ناحیہ سی	
مدیر وکیلی صدیق بک	

سائنامہیا ویلایہتا مووسل (۱۳۲۵مش \_ ۱۹۰۷ز)



حاجی رشید بگٹی بهرواری



ADDI AGHA.

عقبدی ناغا سنڌی، ۱۹۰۳ز

(ذ: ١٩٠٤ - Mark-Sykes-Dar-ul-Islam)



حاج یوسف پاشا سلیمانی



چەپ بۇ راست: يووسف پاشا كورئ شەمدين ئاغا سەليمانى، مەترانى زاخۇ (ئىرمىيا)،  
سكرتىرى يووسف پاشا، ل سالا ۱۹۰۳ ز ل زاخۇ.

(ژ: ۱۹۰۴ - Mark-Sykes-Dar-ul-Islam)



محمد نانا سلیمان ۱۸۷۴ - ۱۹۲۴

## دور و مناصب رؤساء عشائر بهدينان

### في شؤون الادارية العثمانية

١٨٤٢ \_ ١٩١٤

#### الملخص:

في أواخر النصف الثاني من القرن التاسع عشر، عندما انتقل نظام الامارات الكردية إلى السلطة المركزية للدولة العثمانية، لاسيما بعد السيطرة العثمانيين على الامارات الكردية و من ضمنهم إمارة بهدينان (العمادية)، دخل المناطق الكردية تحت نفوذ و تنظيمات أراضي الدولة العثمانية،و لإدارة هذا المناطق اعتمد الدولة على دور و تعيين شخصيات الكردية العشائرية و زعماء و رؤساء القبائل المحلية، و تم ذلك في تنظيمات الادارية لمدن و نواحي منطقة بهدينان، و فترة هذا البحث يحتوي بين الأعوام (١٨٤٢-١٩١٤)، و اعتمد الباحث على عديد من الوثائق العثمانية والمصادر الأصلية، ويتكون البحث من العناصر التالية:

الاول: بهدينان في تنظيمات الادارية العثمانية.

الثاني: من رؤساء عشائر بهدينان في شؤون الادارية العثمانية.

الكلمات الدالة: بهدينان، إدارة عثمانية، رؤساء العشائر، وثائق.

**The role of Bahdinan clan chiefs  
In Ottoman administrative affairs  
1842 \_ 1914**

**Abstract:**

In the second half of the 19th century, when the Kurdish principalities were transferred to the Ottoman state, after the end of the authority of the principalities, the activities of the Kurdish regional authorities were often sub-divided under the Ottoman administrative divisions, including the territories of the provinces, the state for the management of the buildings and departments of the units. administration, support for chiefs and chiefs of the local tribes and they have been investigated for the interim purpose, or the authority of the area has been transferred from the chiefs to the chiefs of the tribes, this investigation is dedicated to the role of the chiefs of the tribals, they have been established in the Ottoman administrative units, the duration of the investigation is between The years (1842\_1914) were covered, the analysis was based on Ottoman documents and original sources, and the analysis was carried out according to the following:

First: the orders in the organizations of the Ottomans.

Second: the president gave the tribes of the behdins in the Ottoman offices.

**keywords:** *Behdinan, Ottoman, tribal leader, document.*